

ZAPOREAK SOLIDARIOS GARAPENERAKO ELKARTEak (G75113738) Zarauzko Udalari eskatu dio Lesbos uhartean dagoen Kara Tepe II errefuxiatu-esparruan ur edangarriaren banaketa finantzatzeko laguntzeko.

Kara Tepe II errefuxiatu-esparrua Lesbosen dago, Grezian, eta gerratik, jazarpenetik eta muturreko indarkeria-egoeretatik ihes egin duten 2.000 pertsona inguru hartzen ditu. Kanpamendu horretako bizitza prekarioa da, eta udako hilabeteetan beroa mehatxu latza da bertako biztanleen osasunarentzat.

Elkarte eskatzailearen arabera, 600 pertsonak baino gehiagok ez zuten eskubiderik oinarritzko ur-hornidura jasotzeko, ofizialki erregistratu gabe zeudelako.

Zaporeak elkarteak litro eta erdiko 9.072 botila banatu dizkie pertsona horiei urteko sasoirik beroenean.

Ekimen horren ezaugarriak kontuan hartuta, ZAPOREAK SOLIDARIOS GARAPENERAKO ELKARTEaren eskaerak bat egiten du GIZARTE ZERBITZUETAKO DIRULAGUNTZAK EMATEKO OINARRI ESPEZIFIKOetan jarritako baldintzekin (Zarauzko Udalbatzarrek 2024ko urtarrilaren 25eko osoko bilkuran onartutakoak).

Oinarri horien arabera, eta laguntza mota hauen ezaugarri bereziak kontuan izanda, Dirulaguntzei buruzko azaroaren 17ko 38/2003 Legeak 22.2c artikuluan xedatutakoaren arabera emango dira laguntzak, aurrekontuetan jarritako kreditua bukatzen den arte.

Dirulaguntzei buruzko azaroaren 17ko 38/2003 Legeak 22.2 artikuluan esaten du hainbat dirulaguntza zuzenean eman daitezkeela. 22.2c) atalean jasotzen denez, salbuespen gisa, beste dirulaguntza batzuk eman ahal izango dira, baldin eta egiaztatzen bada interes publiko, sozial, ekonomiko edo humanitarioko arrazoiak daudela –edo behar bezala justifikatutako beste arrazoi batzuk– deialdi publikoa egitea zailtzen dutenak.

Kasu honetan, argi dago ekimen hori udal interesekoa dela, arrazoi humanitarioak direla-eta. Halaber, goian aipatutako xedea betetzen duen bakarra ZAPOREAK SOLIDARIOS GARAPENERAKO ELKARTEA da, eta horrek zaildu egiten du deialdi publiko bidez ematea xede horretarako dirulaguntza.

Hori guztia kontuan hartuta, Gizarte Zerbitzuetako teknikariaren eta kontuhartzailearen txostenak ikusita, eta Gizarte Politikako zinegotziak hala proposatuta, honako hau **ERABAKITZEN DUT**:

Lehenengoa.- ZAPOREAK SOLIDARIOS GARAPENERAKO ELKARTEari 9.000,00 euroko dirulaguntza ematea, Kara Tepe II errefuxiatu-esparruan ur edangarriaren banaketa finantzatzeko laguntzeko.

Bigarrena.- Dirulaguntza hori azaroaren 17ko 38/2003 Legearen 22.2c) artikuluan ezarritakoaren arabera ematea, aurrekontu-partida honen kontura: 0501 481 02 231 81 2025.

Hirugarrena.- Dekretua sinatutakoan, ZAPOREAK SOLIDARIOS GARAPENERAKO ELKARTEAri 6.300,00 euro ordaintzea (laguntzaren % 70).

Laugarrena.- Eskatutako informazioa DIRULAGUNTZEN DATU-BASE NAZIONALEAN (BDNS) erregistratzea, hark emandako bitarteko elektronikoen bidez, kontzesioaren testuarekin, haren laburpenarekin eta datu egituratuekin batera.

Bosgarrena.- Dirulaguntza honako puntu hauek arautuko dute:

1.- Xedea

ZAPOREAK SOLIDARIOS GARAPENERAKO ELKARTEAri 9.000,00 euroko dirulaguntza ematea, Kara Tepe II errefuxiatu-esparruan ur edangarriaren banaketa finantzatzen laguntzeko.

2.- ZAPOREAK SOLIDARIOS GARAPENERAKO ELKARTEAren betebeharrak.

- Dirulaguntzaren erabilera justifikatu.
- Zerga betebeharrak eta Gizarte Segurantzarenak beteta eta egunean dituela egiaztatu. Betebehar horiek betetzen direla egiaztatu ahal izateko, baimena emango dio Zarauzko Udalarari horrek bere aldetik erakunde eskudunei informazioa eskatzeko.

3.- Diruz laguntzeko gastuak

Dirulaguntza honen xedean deskribatutako jarduerak egiteko gastuak ordainduko dira.

4.- Organo eskuduna

Zarauzko Udaleko Immigrazio eta kultur aniztasunerako teknikaria izango da dirulaguntza honen organo kudeatzailea.

5.- Bateragarritasuna beste dirulaguntza batzuekin

Dirulaguntza hau bateragarria da onuradunek lortzen dituzten beste laguntza batzuekin. Deialdi honen bidez lortutako dirulaguntzak –bakarrik edo beste dirulaguntza, laguntza, sarrera, eta errekurso batzuekin batera– ezingo du inola ere gainditu erakunde onuradunak egin beharreko jardueraren kostua.

6.- Ordaintzeko modua

Dirulaguntza bi zatitan ordainduko da: % 70 dekretua sinatutakoan, eta gainerako % 30a, emandako dirulaguntzaren erabileraren justifikazioa aurkeztu ondoren.

7.- Justifikazioa aurkezteko epea eta modua

Dirulaguntzaren erabileraren justifikazioa 2026ko abenduaren 31 baino lehen aurkeztu beharko da.

Horretarako, jardueraren memoria eta memoria ekonomikoa aurkeztu beharko dituzte, eta egindako gastuaren frogagiriak, diruz lagundutako jarduera finantzatu duten beste diru-sarrera edo dirulaguntzen zerrenda xehatuarekin batera.

8.- Berme erregimena

Dirulaguntza ordaintzeko ez da derrigorrezkoa izango bermerik jartzea.

9.- Publizitatea

Diruz lagundutako jarduerak dibulgatu, zabaldu edo, kasuan kasu, horien publizitatea egin behar bada, ZAPOREAK SOLIDARIOS GARAPENERAKO ELKARTEAK espresuki adieraziko du Zarauzko Udalaren lankidetzat. Horretarako, Zarauzko Udalaren logotipoa argi ikusteko moduan jarriko du, edo, bestela, espresuki aipatuko du babes hori.

10.- Itzulera-kausak

Akordio honetako itzulera kausak izango dira:

- Dirulaguntza akordio honetan ezarritako xederako ez beste baterako erabiltzea.
- Elkarre onuraduna desagitea.
- Akordio honetan jarritako baldintzak ez betetzea.

11.- Araudia

ZAPOREAK SOLIDARIOS GARAPENERAKO ELKARTEAK kasu bakoitzean aplikagarriak diren udal ordenantzak bete beharko ditu, baita gai bakoitzarekin lotuta indarrean dagoen legedia ere, eta, batez ere, honako hauek:

- 38/2003 Legea, azaroaren 17koa, Dirulaguntzei buruzko Lege Orokorra, eta gai horrekin lotutako udal ordenantzak.
- 887/2006 Errege Dekretua, uztailaren 21ekoa, Dirulaguntzen Lege Orokorraren Arautegia.
- 3/2018 Legea, abenduaren 5ekoa, Datu Pertsonalak Babestekoa eta Eskubide Digitalak Bermatzekoa.
- 4/2005 Legea, otsailaren 18koa, Emakumeen eta Gizonen berdintasunerakoa.